

عاطف افندی کتبخانه‌سی

لنبره‌پاتندن

عدد

۳

فرنك مقلدلكی

و

شأنقه

محرری: فاتح درساملرنندن اسکلیل

محمد عاطف

سایتیش محل: بایزیدده حکاک کرده (۴۷) نوساروی دکال

استانبول — مطبعة « قدر »

۱۳۴۰

فرنگ مقلد لکی وشاقه

بِسْمِ اللَّهِ الرَّحْمَنِ الرَّحِيمِ

الحمد لله الذي اباح لعباده الزينة واحب ان يرى عليهم آثام التعمه
والصلوة والسلام على سيدنا محمد الذي نهى امته عن التشبه بالملل الغير
الاسلامية وعلى آله واصحابه الذين اجتبوا عن تقليد الفسقة والفجرة
[تقليد]

مقلد : تقليد ايدين ديمكدر .

تقليد : حسن ظن ايديوب محق اولديغني اعتقاد ايتكم سبيله بر
كيمسيه اعتقاده ، قوله ، فعلده ، صورت وسيرته بلا دليل اتباع
واقدا ايتكم وآ كا بكنزه مك ديمكدر .

شرع شريف نظرنده على الاطلاق تقليد جائز دكلدر . از جمله
مجرد نظر واستدلال ايله وقوف نمكن اولان اصول اعتقادييه واساسات
اسلاميه معجزات ايله مؤيد اولان رسول ذیشان (صلى الله عليه
وسلم) اقدمزدن بشقه هيچ بر كيمسيه تقليد جائز دكلدر . بوابده
هر فرد اجمالاً ولى تفصيلاً مستدل اولمق لازم وواجبدر . بناء عليه
استدلال قدرتي اكتاب ايتيمان كناهكار اولور .

فقط امور عباد ، معطل اولمق ايتسون بالكز فروع شرعيده

یعنی عبادات و معاملاتده درجهٔ اجتهاده واصل اولیانلرک مجتهدلرله تقلیدی ، ضروردهٔ مشروع قیلنمشدر .

شوقدرکه امردینده معتمد علیه اولان نصوص شرعییه مخالف اولان خصوصاتده (لاطاعة لمخلوق فی مصلية الخالق = خالقه معصیت اوله جق ایشده مخلوقه اطاعت اولنماز) حدیث شریفی مقتضای منیفنجه نه بر مجتهدک ، عالمک ، شیخک ، نهده خلفا، امرا ، حکما ، فلاسفه نک اعتقاداته ، عبادات و معاملاتده ، اخلاق و آدابہ دائر سوزلرینه ، فعللرینه ، اتباع ، اقتیاد ، تقلید وتشبه قطعاً جائز دکلدر . خلاصهٔ کلام بدعت قبیحده ، منکرات و مناهیده و شرع شریفه مخالف اولان اصول و معاشرات مدنیتده هیچ بر کیمسه به تقلید اصلاً جائز دکل ، زهده قالدیکه شمار کفرده ملل غیر مسلمه به تقلید جائز اولسون بوقطعاً جائز اولماز .

شو حالده بر مسلمک شمار و علامت کفر عد اولنان بر شیشی بلا ضرورده کینمک و یا طاقینمق صورتیه غیر مسلملره تقلیدی و کندیشنی آنلره بکزه نسی شرعاً منهی ممنوعدر . بو خصوصه اجماع امتده انعقاد ایشدر . بونده شک وشبهه یوقدر . زیرا رسول ذیشان (صلی الله علیه وسلم) افندمن بیورمشلردرکه (من تشبه بقوم فهو منهم = بر قومه بکزه مکه چالیشانلر او قومدندر) (امام احمد و ابوداود) تشبه : بشقه لرینک ایشلیدیکی برایشی اونلره تبعاً ایشله مک دیمکدر . شو حالده حدیث شریفک معناسی : بر قومه بکزه مکه اوزده نلر بکزه ممک ایسته نیلن قدر مشترکده اونلردندر ، اوقدر مشترک کفر ایسه کفرده ، معصیت ایسه معصیتده ، صلاح حال ایسه صلاحده ، بونلرک شماری

ایسه شمارده او قومك حكمنه تابع اولورلر ديمكدر . بناءً عليه :
بو حديث شريف اهل كفر و ارباب فسقه بکزه بشدن نهی
و ترهیبی متضمن اولدینی کبی اصحاب صلاحه بکزه مملکه تشویق
و ترغیبی ده محتویدر . چونکه حدیث شریفده (قوم) لفظی مُتَّكِر
اولدیندن هم صلاحیه ، هم غیرلرینه شاملدر . نبی معظم (صلی الله
علیه وسلم) اقدیمز دیکر بر حدیث شریفده بیورمشلردرکه (لیس
مِنَّا مَنْ كَتَبَ بَغْرًا = بزدن بشقلرینه بکزه مکه اوزه نلر بزدن ،
بزم ملتمزدن دکدر) (الجامع الصغیر)

بو حدیث شریف منطوقی اعتباریله شمارلرنده مال غیرمسلمه یه
تشهدن ترهیبی متضمن اولدینی کبی صورت و سیرت لرنده صالحای
مسلمینه تشبه ترغیبی ده مشردر .

شو حالده بو حدیث شریفلرک مقتضای عالیسنجه اهل اسلام
طریق و شمار کفر و علامت بدعت قبیحه عداولتان شیلرده اهل کفره
و بدعت قبیحه اربانه تشهدن منع ونهی اولمشدر .
اساساً دین اسلامده کفر و معصیت منهی اولدینی کبی شمار کفر
و شمار معصیت ده منهی در .

اهل کفر و ارباب معصیته طریق و شمارلرنده تشبه ایسه اکثریا
یا کفره و یا معصیته و یا ایکیسنه ذریعه اولدینی ایچون شریعت احمدیه ده
منع اولونوب حرام قیلنمشدر . واقعا ایلک هجرت نبویه زمانلرنده
یهودیلر نه شعارده ، نه لباسده ، نه بشفه بر علامت مخصوصده
مسلمانلردن تمیز ایتمزلردی ، رسالت پناه اقدمزک بو خصوصده سکوت
بیورملری بو حالک مشروعیتنی کوسترمگده ایدی . فقط بالآخره بو

حکم فسخ اولاد و شمار و طریقه غیر مسلم شدن مفارقت مشروع
قلمشدر. بونک سینه کلنجه هجرت نبویه نك ايلك زمانلرنده مسلمانلر
ضعيف اولدقلرندن غير مسلملره مخالفت هنوز مشروع قبلشمس
ابدی بالآخره دین مین اسلام ادیان سائره به غلبه ایلوبده اهل
اسلام کفار ایله جهاده و آنلره جزیه وضعه کسب قوت ایلینجه
طریقت و شمارده اولردن مفارقت مشروع قبلمشدر .

دینک اولورکه هر عصرده ، هر بلدهده مالی غیر مسلملر
طریق و شعاری هر نه طرزده اولورسه اولسون اهل اسلام بلا ضرورت
او طریق و او شمارده کندیلرینی آنلره بکنزه تمکدن و آنلرک اطوار
و عاداتنه او یقین منع اولمشدر . نته کیم (من احدث فی امرنا هذا
مالیس منه فهورد = هر کیم بزم شو ایشیمزده ، یعنی دینمزدده آندن اولمان
بر شی احداث ایدرسه اوشی مردوددر) حدیث شریفیه اصول
و براهین دینییه مستقد اولیهرق رأی مجرد ایله امور دینییه
زیاده و یا نقصان قلمق صورتیه یکی برشی احداث ایتمکدن ، بر بدعت
وجوده کتیرمکدن منع اولمشدر .

یوقسه کربک اهل سنت و ارباب ضلال و کربک اهل کفر طرفندن
احداث و ایجاد اولنان هر بدعتدن و هر یکی یابیلن شیلردن و اهل
کفر ایله ارباب ضلاله ، طاقا مشابهتن نهی و منع اولمش دکلدرد . زیرا
اویومق ، یا تمق ، اوتورمق ، پیک ، ایچک کبی امور طبیعییه
مشابهت ضروریدر . بوندن باشقه آلات زراعت ، ادوات صناعت ،
وسائط حرب ، یا ناق و مطبخ طاقی کبی ، اسر دیندن اولیوبده
کندیلریله یا لکیز غرض دنیوی مقصود اولان امور مباحه بی احداث

م شروع وحتى بونلردن بعضی لری مأمور بیدر . بناءً علیه بدعت هادیه
نوعدن اولان بوکی امورده مللی غیر مسلمیه تقلید و بو خصوصده
آنلره مشابعت منهی و ممنوع دکلدور .

[دین اسلام نظرندمدنیت فربیه تک مشروع اولان
واولیان جهت لری]

بو بحثه شروع ایتمزدن اول شونی عرض ایدیمکه : مدنیت
ضربیه ، مادی و معنوی ایکی جهتی حائز اولدنی کی بونلردن هر
یری بشریته نافع و یا مضر اولقی اوزره ایکیشر قسمی حاویدر .
حالبوکه دین اسلام بشرک روحانی و جسمانی غذا و تکاملنی کافل
اولان بتون فضائل و کالاتی اصرا ایلیوب بونی اخلال ایلین رذائل
و قیامچی منهی وضع ایدر . بو نقطه نظرندن فطرت بشره اک موافق بر
دین اولدیغندن دین اسلامه دین فطرت تسمیه اولتمشدر . بو اصل
واساسدن طولای درکه :

دین جلیل اسلام (من سن فی الاسلام سنة حسنة فله اجرها
و اجر من عمل بها من بعده من غیر ان ینقص من اجورهم شیء) =
بر کیمسه دین اسلامه موافق بر طرزده بین المسلمین بر طریق فضیلت
ایجاد و کوزل بر شی اختراع ایدرسه اونک اجر یله قیامت قدر او شی
ایله عامل اولانلرک اجر و توانسک برر مثل او کیمسه عائد اولور .
آندن صکره او شی ایله عمل ایدنلرک کندی حصه لرینه دوشن اجر
و نوابدن هیچ بر شی نقصان قیلماز) و (اتم اعلم باسر دنیا کم =
حقنده بیان شرعی وارد اولیان دنیا ایشلرینی سز دها ای بیایر سیکن) .
حدیث شریف لری ایله امور دنیا دن دیکیش ایکنه سندن طو توبده .

دمیر بوللرینه ، طوپلره ، زرهیلرله ، طیاره لره ، وسائط مخابره به ، بری و بحری تجارته ، صنایع مختلفه به ، استعمار ارضه ، فابریقه لره ، آلات زراعت و ادوات صناعت و مرعصره کوره ارکان و اسباب جهاده و ارنجه به قدر مدینتک مادیات قسمندن بشریته نافع اولان امور مباحه و حسنه بی احداث و اختراعه مساعده بیورم شد . و حتی طلب الکتاب فریضة علی کل مسلم و مسلمة (حدیث شریفله ناسه محتاج اولیه جق درجده حلالندن مال قزانمقلنی هر مسلم و مسلمه به فرض قیلهرق امر معیشتده بشقه لرینه یوک اولیوب هر کک مساعی ذاتیه سی ایله کینمکی مساک ایدنمسی امر ایتمش و) (وَأَعِدُوا لَهُمْ مَا اسْتَطَعْتُمْ مِنْ قُوَّةٍ) نظام جلیلی ایله عصرینه کوره دشمنی ترهیب ایدمک درجه آلات و اسباب جهادک اعداد و احضار اولنمسی فرض قیلمش و (طلب العلم فریضة علی کل مسلم و مسلمة) حدیث شریفی ایله ده علوم دینه دن تصحیح اعتقاد ، تهذیب اخلاق ، اصلاح اعمال ایدمک قدر او کریمکی هر مسلم و مسلمه به فرض عین قیلدقدن بشقه های ابدانه ، ادامه حیات و بین الناس معاملات دائر محتاج اولنان فنون و صنایعدن بشقه قوم و ملتله احتیاجدن مستغنی اولنه جق درجده او کریم لرینی مسلمانلره فرض کفایه قیلمشدر . شو حالده آنلردن برطائفه ، علوم و صنایعدن بودرجه سی او کریم نزلرسه کافه سی کنها کار اولوب دنیا و آخرتده بوقصور لرینک جزا و ضرر لرینی چکرلر . دین مبین اسلام اقسام مدینتدن استعمار ارض ، علوم ، فنون و صنایع کبی امور نانه بی امر ایدوب بشقه اقوامه احتیاجدن اغنا

ایده جک درجه سنی او کرده نمیکند مسلمانان را فرض قیلمش اولدینی
ایچوندرکه مدنیت اسلامییه ادوار عالیه سنده مزایای ممتازه بی جامع
صنایع بدیمه اختراع ایلمشدر. اوروپا مشاهیر اجتماع یونندن (کوستا و
لویون) ک بعض آثار یله کتب تواریخچدن مستفاد اولدینی اوزره مدینتک
سائر عناصر اساسیه سی کبی صنایع ده آتی ویا بدی بیک سنه اول
(دین سهاوینک مهد ظهوری اولان) آسیا قطعده سنده آنورسکنه سی
طرفدن اختراع اولوتوب بالآخره مصره نقل اولمشدر. قرون
اولی ددکی یونان صناعاتی دجه ونیل سواحلنده اختراع اولونان صناعاتدن
دوغمشدر.

دین جلیل اسلامک ظهور یله شمشه دار پر مدنیت فاصله اسلامییه
تأسس ایدنجه مسلمانلر اوزمان موجود بولنان مصر و یونان صناعاتی
اقتباس ایدرک آز زمان ده اصلرینه فائق بر شکل نویسه افراغ ایله
مزایای عالییه بی محتوی صنایع بدیمه وجوده کتیروب مصر و یونان
مدینته تفوق ایتمشلردر. آثار باقیه اسلامییه بو مدعاتک بر شاهد
طادیلدر.

بعض ممالک اسلامییه بی استیلایدن صلیبوتک صنایع نفیسه اسلامییه بی
اقتباس ایله قسماً آوروپا به نقل ایتمش اولملری بو کونکی غرب صناعاتک
ترقی وانکشافی اسبابندن بری در. وحتی ایلك اوکجه مدینته فارشی
غربیلرک قلبنده برشوق اویاندیران جاذبه، اندلس آفانده لمعان ایتمش
اولان مدنیت اسلامییه ضیا سیدر. اوناریخچدن اول غربیلرک جهل، ظلمت،
وحشت، هرج و مرج ایچنده بویان اولدقلرینه تاریخ شهادت ایتمکده در.
دیملک اولیورکه اساس اعتبار یله مدنیت غربیه تک مولدی شر قدر.

دین مبین اسلام مدینتک اقسام نافه سنه ارشاد ایلدیکی ومدینت
اسلامیه جه وقتیله یک مهم آثار خارقه وجوده کتیرلدیکی حالد
زمانمزد کی مسلمانلرک بو فضائل طالیه دن محرومیلرینه سبب ندر
دیه سؤال اولتورسه جواب اوله برق دیرزکه : محروم قالدقلمی
سائر خصوصاتده اولدینی کی بوکاده سبب اوامر نینفه دینه
مقتضیاتندن بولنان سی وعمله توسل ایتمه لریدر . دین اسلامک
ارشاد ایلدیکی فوائد طالیه دن استفاده آنجق اوامر واحکام حکیمانه سنه
امتال ومقتضاسیله عمل ایتمک متوقفدر ، شو حالد ادعای اسلامیتده
بولنانلرک قواعد دینه بی یالکز کتب واوراقده حفظ ایتملی هیچ بر فائده
تأمین ایدمه بیجی کی مقتضای دیانت اوزره اعصاب واعضای بدنیه لرینی
تحریک ایتمکجه ده مجرد اعتقاد ایله مطلوب اولان فوائد ماده ومعنویه
حصولپذیر اوله ماز .

رسول معظم صلی الله علیه وسلم اقدمین بر حدیث شریفنده
بیور مشرردر که (وا ین من العلم جهلاً = بعض علم جهل ایله مساویدر).
فی الحقیقه عمله مقروین اولمیان علم جهل ایله مساویدر . علم نر عالم رو
عوامدن اوزا فلاشمش اولماز منافع علمیه دن محروم قالمق اعتبار ایله بویله
طالمک جاهلدن فرقی یوقدر مثلا مسکراتک حرمت وهضرتی بیلدیکی
حالد استعمال ایدن بیلیمیه رک استعمال ایلین ایله مساویدر . بلکه
اولکی ایکنجیدن ده ازیاده مستحق مذمتدر . بنا علیه کرک ارباب
علم وکرک ارباب دین ، علم ودینک مقتضای متینی اوزره حامل
اولمادقجه بونلرک تأمین ایلدیکی فیوضات وسعاداته مظهر اوله مازلر .
معروضات سالفه دن مستبان اولدینی اوزره دین مبین اسلام ، ارکان وعناصر
مدینتک مادیات قسمندن امور نافه وحسنه نک احدائنه مساعده ایدوب

مشروع قبله دینشقه بونلری احداث و اختراع ایلمین ملتره بو خصوصاً صانده
تقلیده ده رخصت ویرمشدر .

فقط دین جلیل ایلام (قل انما حرم ربی الفواحش ما ظهر
منها وما باطن والاثم والبہی بغیر الحق وَاَنْ تُشْرِكُوا بِاللّٰهِ مَا لَمْ یَنْزِلْ بِه
سلطانا وَاَنْ تَقُولُوا عَلٰی اللّٰهِ مَا لَا عِلْمُونَ = جیم دیکه ربم کیزلی
و آشکار اولان کافه فواحشی، یعنی انسابه دائر عموم جنایاتی ، منبع
اُم اولان مسکرانی یعنی عقوله عائد جنایاتی ، بغیر حق بنی و ظلمی
یعنی نفوس و امواله دائر اولان جنایاتی و اللہہ شرک ایله آنک حقتده
بیلدیکز شیرلی سویله مکزی یعنی دیانتہ دائر ارتکاب جنایت
ایتمکزی حرام قبلدی). نظم جلیلی ایله الحاد، ظلم، شقاوت، فحش،
ایچکی، قمار، دانس، بار ، تیارو و سائر سفاهت ایله میخانه، کارخانه،
قمارخانه ، دانس و بار محللری کشادی کبی مدنیت ضریبه نك مادیات
قسندن اخلاقاً، اجتماعاً، اقتصاداً ، ناموساً و دیناً مضر اولان امور
رذیله و قیحة نك کافه اصول و فروعنی حرام قیلوب منع ایلمشدر .
بناءً علیہ مدنیت ضریبه نك بو کبی رذیلت جهتلی غیر مشروع و عدور. [*]

[*] آنک ایچون رسول معظم صلی الله علیه وسلم افندمن (من سن فی
الاسلام سنةً سیئةً نعلیه ووزرها ووزرمن عمل بہا من بعده من غیر ان یتقص من
اوزارهم شیء = برکیسه دین اسلامده فنا بربول احداث و جرکین برشی
اختراع ایدرسه او نذالک وزر ووبالی ایله قیامتہ قدر اونکله عمل ایدنلرک
وزر ووبالرندن برره ملی او کیسه به عائد اولور. آتدن صکره او فنانفی ایله بئرک
کندی وزر وکناهلرندن هیچ برشی نقصان قیلنماز) حدیث شریفی ایله بین
المسلمین جرکین و فنا برشی اختراعیدن و بر طریق رذالت احداثدن منع و ترحیب
بیورمشدر .

شو حالده بويله اموز رذيله وقيحه ده افراد مسلمين دن هيچ بريسك زمانك موده سته او عيسنه، بشق سته وبالخاصه ملل غير مسلميه تقليد ايلسنه، لميرديكرايله غير بيلاشمسنه، آوروپايلاشمسنه اصلا مساع شرعي يوقدره. زيرامشروعيتنه دليل وبرهان قائم اوليان شيلرده تقليد وغيره اتباعتك حرمت وبطلاننه بوآيت جليله اك قوتلى بردليل قاطمدر. بناء عليه دين بين اسلام كافة امور واحوال رذيله نك هم رأساً احداث واجراسنى، هم ده بو باده بشق لرينه تقليد وتشبهى صورت قطعده منع ايلوب حرام قيلمشدر.

مدنيتك جهت مغنويه سته كلنجه : شريعت مطهره احديه اويله على قواعد مدنیه و اساسات اجتماعيه و اويله اخلاق فاضله وضع و تاسيس ايلمشدر كه آوروپا او درجه تمدنه وصول ايجون دها بك جوق امكدر صرف ايتمه و حتى تماماً قواعد مقدسه اسلاميه بي قبول ايدويورمه محتاجدر. او درجه مدنيت فاضليه ارتقا ايجون بشقه دورلو يول يوقدر.

اساساً مدنيت غريبه، سعادت و تكامل بشرى كامل بر مدنيت حقيقيه دكلدر. زيرا او آنجق انسانك بهيميت و جساميت جهتك سعادت و تكاملنه خدمت ايدوب ملكيت و مغنويتك سعادت و تكاملنى اصلا نظر اعتباره آليور. چونكه مدنيت غريبه حيات بشريه بي آنجق حيات فانيه دنيا دن عبارت تلقى ايلديكي ايجون بشرك بالكز ماديت و حيوانيت جهتك تكاملنه عطف اهميت ايدويور. بوسورته افراد بشرده آثار بهيميتك انكشافه باعث اولوب ملكيت و حقيقي انسانيتك كمون و يابوسبتون احسانه خدمت ايدورك سعادت سرمديه به

ایصال ایلین فضائل و کالات حقیقه دن بشری ابدیاً محروم براقیور .
واتما حیات جسمانیه و دنیا به دائر کالات بشریه نك حصـ و لنه بر درجه یه
قدر مدار اوله بیلور سه ده آنک مدار اولدینی احوال و اوصاف ، حیات
دنیا نك انقراضیه متقرض اولوب کیدیور . مروض زوال و انقراض اولان
احوال و اوصاف ایسه سعادت حقیقه دن مد اوله ماز . سعادت حقیقه : حیات
دنیا دن صکرده دوام ایدوب بقا پذیر اولان اوصاف و کالات بشریه دن
هبارتدر که بونک مرشدلری آنجق انبای عظام حضراتیدر . مدنیت خریه نك
بوکا رهبر اوله بیلسی غیر قابل امکاندر .

حالبو که مدنیت فاضله اسلامیه بشرک ملکیت و معنویت جهتنک
سعادت و تکاملنه خدمتی اصل و اساس آنخا ایدوب بتون اصول
و احکامی بو جهتنک انکشاف و تکاملنه خادم اولمق اوزره وضع
و تائیس ایتشددر . شو قدر که بهیمینک سعادت فانیسی مقصود بالذات
دکل ، بلکه ملکیتک سعادت باقیسنی اکتسابه وسیله اولدینی ایچون
تبعاً مقصود اولمقله بو مقصد اصلی بی اخلاص باعث اولمق اوزره حد
اعتدالی تجاوز ایتدیرلمسنی اساس آنخا ایدوب صورت معتدلانه ده
اذراق جسمانیه دن استفاده یوانی کشاد ایتمش و بو صورتله بشری هم
سعادت فانییه ، هم سعادت باقییه ارشاد ایتشددر . شو حالده سعادت
باقیه و کالات حقیقه یه آنجق مسلك انبیا ایصال ایدر . بناء علیه مدنیت
فاضله اسلامیه بر مدنیت حقیقه در که دساتیر عالیسه نه تماماً تمسک ایدمک
شرطیله هر جهتن سعادت و تکامل بشری کافل و حیات فانیه دنیا دن
صکرده بقا پذیر اولان اوصاف و کالات حقیقه بی ضامندر . بناء علیه
سعادت حقیقه بشریه سنن انبیا به اتباع و مدنیت فاضله اسلامیه به تماماً
تمسک ایله حصول پذیر اولور .

شوحالده مدینت غریبه حد ذاتنده ناقص و تکامل حقیقی بی محل اولاد
یغندن اصول و قواعد مقدسه اسلامییه بی و مسلک انبیایی تماماً قبول ایتدیکجه
نفس الامرده و عقول سلیمه اربابی نظرنده مدینت حقیقیه عد
اولنه ماز .

بناءً علیه سعادت ابدیه و کلمات حقیقیه بی ا کتاب ایتک ایچون
اهل اسلام مدینت غریبه یه دکل، غریبیلر مدینت اسلامییه یه محتاجدره .
دیمک اولیورکه دین جلیل اسلام : مدینتک جهت ماده و جهت
مضویه سنک ملکیت و بهییتجه بشریته نافع و خادم اولان اقسامی
اون اوج عصر اول رأساً وضع و تأسیس ایله یوب ابنای بشری
اوشه راه مستقیمه سوق و ارشاد ایلشددر [*] .

[*] اساساً بین المسلمین تعالی و ترقی ایتدیرلمسی مطلوب اولان مدینتک ایشنه
بو نوچیدر . بالخاصه مملکتیزک احتیاجی مدینتک فضیلت قسده دره . طالبورکه
مملکتنده ترقی ایتدیریلن بو دکل، غرب مدینتک ردیلت و مضر قسیدره . چونکه
ایچه برزماندن بری مملکتزده ، مفرط غرب مقلدی برشرذمه فلیله مدینت ،
حریت ، ملت نامنه غیر مشروع و مضر جهتلردن مثلاً حریت ، فحشک ،
ایچکینک ، دانسک ، اخلاقسزلنک ، دینسزایکک تعصیب و توسیعندن باشلاپور .
آوروپادن یوکلنوب کتیره بیلدکلری لوئیات ایله اخلاق فاضله اسلامییه بی
تخریبه ، افکار ملتی تلویته چالیشیورلر . اولاد وطنک قلبی بیانچی روح ،
بیانچی تربیه ، بیانچی اعتیاد ایله آشلایورلر آشلایورلرده اوزرلرند
تمرکز ایتش اولان روح اسلامیت و تورکایی سوکوب آتغه اوغراشیورلر . بو
صورتله موجودیت ملیه مزک استنادکاهی اولان نملر بیقیلوب دوریور .
بوضلات عظیمه تک تعصیب هم اسلامیت ، هم تورکاک ایچون مدینت غریبه تک
و ذیلت قسیمی مملکتزده کوندن کونه مظهر ترقی اولیور و بو اوفورده

مدینتک ملکیت و بہمیتجہ بشریتہ مضر اولان اقسامی دہ افراد بشری درکہ بہمیتہ زردی و انحطاطدن تخلص ایچون منع ایلیوب بو خصوصاتک ارتکابی و بو بایدہ بشقلریتہ تقلید و تشبی صورت قطعیدہ . حرام قلمشدر . شو حالده آوروپانک شائبہ سفاهت ورنک ملیتدن ماری وبتون انسانیتک تکاملات مادہسنہ خادم اولان علوم ، فنون و صناعاتک ، آلات و ادواتک جملہسنی اخذ و تلقی و بو خصوصاتده آنلری تقلید مشروع و مرفویدر .

فقط میخانہ ، کارخانہ ، دانس ، بار ، تیاترو و سائر مؤسسات سفلیہ و ترقیات سفیانہ کی ہویت دینہ و اخلاق فاضلہ اسلامیہ نک محو و ازالہسنہ باعث اولان اعتقادات باطلہ ، اخلاق قبیحہ ، اعتیادات رذیلہ ، افعال و اعمال مذمومہسنی اخذ و تلقی و بو خصوصلرده آنلری تقلید غیر مشروع و منقوردر .

دین اسلام ایستہ بو نوع مدینت سفیانہ نک ترقیسنہ مانعدر . چونکہ دین مبین اسلام بین البشر جریان ایلین امور قبیحہ و اعتیادات رذیلہ نک کافہسنی ہدم و منع ایچون وضع و تاسیس اولمشدر . آنک ایچون اسلامیت مدینت ضربیہ نک بو قسمی ایلہ اصلا اجتماع ایده منہ . قلبلری غرب لوئیاتیلہ صیغہ لائش اولانلر بو نقطہ نظر دن دین اسلامی

عظیم مقدارده ثروت ملیہ صرف اولنیور . فقط مشروع و کمال شدتہ محتاج اولنان جہتلمہ مثلاً البسہ ک اعمال ایچونہ بر فابریقہ بہ ہیچ برشی صرف ایلمدیکی کورلیور . دیلم اولیور کہ آثار خارجہ لرینہ نظر امدینت ضربیہ صر و جلگندہ بو انانلر بو پردہ آلتندہ منافع شخصیہ لرین تامین و آرزوی شہوانیہ لرین تطمین فایہسنی استہداف ایلوب منافع عمومیہ و فوائد عالیہ ملیہ بی اصلانظر اعتبارہ آلیور لرو یا آلہ میورلر . ادما ایلمکری فولرین افعال مشہودہ لری تکذیب ایتمکدن خالی قالیور .

مانع ترقی کوریورلر. اوت بوده مدیندن معدود ایسه دین اسلام بو
کبی مدینتک ترقیسنه یکانه مانع عظیمدر. اساساً سفاهت و رذالتی منع
ونهی ایلمک دین اسلامک خواص مجزه مندندر. عقل سلیم ده بونی آسردر.
آنک ایچون آوروپالیلردن عقل سلیم اربابنک مملکتلرنده اهم ایتمکده
اولان سفاهت و رذالتک مننه چالیشدقلمی مسوع اولمقده در. از جمله
انکلترده حیاسزله قله مجادله ایتمک اوزره (میستروپ آیوب) اسمنده
بر انکلیز (زاهت جمعیتی) نامه یکی بر جمعیت اخلاقیه تأسیس ایتمشدر.
جمعیت ایلمک اجرا آن اولمق اوزره اخلاق عمومی بی افساده باعث
اولان قارت بوستالارک فروختنی منع ایتمیرمک ایچون حکومته صراجمته
قرار ویردیکی غزته لرده کورولمشدر. جمعیت اقوام ده اخلاق عمومی بی
افساده باعث اولان آجیق رسلر ایله آجیق یازیلرک منی ایچون
دولتله تبلیغانده بولتمشدر.

(توکبو) ده مأمورین محلیه طرفندن اخلاق عمومی بی افساد
ایتمدیکی سبب کوستریله رک بوتون عصری دانسلر منع اولتمشدر.

اساساً آوروپاده سوزلرینه اعتماد اولنان هکیملر ایله اجتماعیات
طالمری دانسک مضرتلرینی دلائل مقننه ایله میدانه قوبمشلردر:

از جمله دانسک مضرتلرینی اثبات ایچون دیورلرکه: یقیناً نبوت

بولمشدرکه: دانس فردلرک سجه سنی، اخلاقی، صحتی تخریب

ایدوب مسلط اولدینی جمعیتلرک معنوی بنیه سنی کیرد کدنبشقه فحشی

آرتدیروب مناسکاتی آزالته رق نفوس بحرانی دنیلن فلاکتی احداث

ایتمک صورتیله ملنک ماده انطفاستی تعجیل ایدیور.

غرب، تفکر لرینک، عقل سلیم اربابینک، دانس، ایچکی کبی ضربک

مدنیت کسوهی آلتند بین البشر تعمیم ایله مکده اولدینی رذائلی قبیح
ایتمکده بولندقلرینه شاهد اولمق اوزه معروف مسکرات دشمنی آمریقالی
مستر (ویلیام زونسون) ک ۱۱ ایلول ۳۴۰ تاریخده استانبولده بولندینی
زمان مسکرات علیهنده غزته جیلره واقع بیاناتی ارااه و بو مقامه قید
ایتیک ایسترم : موسی الیه دییورکه : مسکرات ممنوعی فکری، غریب
مفکره سنک محصولی دکلدرد. بو فکر، اساس اعتباریله تامایله شرقیدر،
مسلمانلق اون اوچ عصر مقدم صورت قطعیده مسکرانی منع
ایتمشدر . بناء علیه آمریقانک کشفندن بر جوق عصر مقدم شرقده
ممنوعیت فکری تملله شمش ایدی . بوکون ایسه اسلام دینک تلقین
و تعلم ابتدکی مسکرات ممنوعی آمریقانک قوانین اساسیه سنه کیرمش
بولتیور .

- حالبوکه : تام بز مسلمانلغک امریله عامل اولوب مسکرانی منعه
قالقشدیفمز زمان نه غریبدرکه سز، بزم مذموم کوردیکمز بر شیشی
قلیده یلته نیورسکز . غرب، شرق برفضیلتنی قبوله اوغرا شیرکن
سز غربک بر رذیلتنی تقلید ایدیورسکز بو، سزک لهکزده بر شی
دکلدرد .

آمریقانلغک بوسوزلری غربک رذائلی تقلیده چالیشان شرقیلبلر
ایچون بلغ بر درس عبرت تشکیل ایدر . بوندن عبرت آلمه مق، متأثر
اوله مق ایچون انسانک درکله همیشه تردی ایدوب شعوردن محروم
اولماسی اقتضا ایدر .

بورایه قدر عرض اولنان تفصیلاتدن شعار و علامت کفرده ملل
غیر مسلمیه تقلید و تشبهک شرعاً حرام اولدینی آکلاشیلمشدر .

موجب کفر اولوب اولماسنه کئنجه بو خصوصده بين العلماء اختلاف اولمشدر . فقط بو مسئله نك حلي ايمان ايله كفر ك حقيقتنى معرفته متوقف اولدينى ايجون مقصده شروع ايتزدن اول برارده آندن بحث ايتك ايترم .

(ايمان وكفر)

ايمان : رسول اكرم (صلى الله عليه وسلم) افندمرك الله تعالى طرفدن كتيروب خبر ورديكى ضروره و يقيناً بيلين اصول دينيه واحكام اسلاميه نك حق وطوغرى اولديغنه قلباً صورت نجازماتده اينانوب قبول ايتك ولساناً آنى اقرار ايلكدر .

كفر : دين اسلامدن اولدينى ضروره و يقيناً بيلين اصول واحكامك كافىنى ويا آندن برينى قبول ايتيوب انكار ايتك ويا انكاره دلالت ايلين بر ايش ايشله مك ديمكدر .

اساساً رسول ذیشان (صلى الله عليه وسلم) افندمردن نقل اولته كلن اصول اسلاميه واحكام شرعيه صحت نقل اعتباريله اوج قسمه آيريلمشدر .

برنجى قسم ، نبى محترم (صلى الله عليه وسلم) افندمردن تواتراً منقول اولوب ديندن اولدينى عوام وخواصجه يعنى عموم مسلمانلرجه يتياً ربالبناعه معلوم اولان اصول واحكام اسلاميه در : خالق تعالى حضرتلرينك وجودى ، وحدانيتى ، صفات جليلهسى ايله ملكلرك ، كتب سماويه نك ، پيغمبرلرك ، قضا و قدر آلپينك ، يوم آخرتك ، بعث بعدالموتك ، جنت و جهنمك حقيقتى ، طملك حدوتى ، كلمه شهادتك ،

نمازك ، زكاتك ، اوروجك ، حجك فرضيتي ، زمانك ، لواطتك ،
خزبرائيتك ، بغير حق آدم اولدورمهك وسائر انواع ظلمك
حرمتي كي .

دين محمددين اولديني تواتر اقل اولنوب يقيناً ثابت اولان بونوع
احكامه اصول اسلاميه و ضروريات دينيه دينوركه : پر انسان مسلمان
اولمق ايجون بهمه حال بونلرك كافه سنق تصديق وقبول ايتك لازم
وواجبدر .

ايمانك ركن اصليسي اولان تصديقدن صكره اصول واحكام
مذكوره بي مجملأ جامع بولنان (اشهد ان لا اله الا الله واشهد ان محمداً
عبده ورسوله) دن عبارت اولان كله شهادتي سويتك ، ايمانك شرط
ويا ركتندن معدوددر . بناءً عليه اصول واحكام المذكوره نك كافه سنه
ويا آندن بعضيسنه اينايوب دورد وانكار ايتك ويا انكاره دلالت
ايلين بر فعلده بولمق كفر وبوني ارتكاب ايدنلر كافردر .

ايكنجه قسم : رسول ذیشان (صلى الله عليه وسلم) اقدمزك
دينندن اولديني يقيناً دكل ، آنجق استدلال واجتهاد صورتيله بيلين
مسائل دينيه در : الله تعالى نك مرتق اولوب اولماسي مثلي يقيناً معلوم
اوليوب آنجق دليل ايله بيلين مسائل كي .

بو نوع احكام ومسائل دينيه بي قبول ورد ، اقرار وانكاره ايمان
ايه كفرك ماهيتنده داخل دكلدر . بناءً عليه احكام اجتهاديه نك منكري
كافر اولماز . شو قدركه طريق شهرتله نقل اولنان احكام ومسائل
دينيه ، ماهيت ايمانده داخل اولماديقندن ردوانكارى كفر دكلده
موجب ضلالتدر .

اوجنچی قسم : دین محمدیدن اولدینی آنجق خیر واحد ایله بیلین مسائلدرکه ایمان ایله کفر بو نوع مسائله توقف ایتمز . زیرا شرائط صحیحی جائز اولان خیر واحد ، باب اعتقادده حجت اوله ماز . لکن باب عملده یعنی عبادات و معاملاتده دائر احکامده حجت اولور . بناءً علیه خیر واحد طریقیه صحیحی ثابت اولان بر مسئله دینییه رد و انکار خطادر .

عرض اولتان بواصله بش مسئله تفرع ایدر .

(۱) اصول مذکورہ اسلامیہ دن برینه اینانمدینی حالده لساناً جمله سنی اقرار ایلین کیمسه الله تعالی تک تزدنده کافر در . بوکامناق دینور . نفاق معلوم ایسه ناس عندنده دخی کافر اولور . نفاق معلوم دکسه ظاهرده کی اقرارینه نظراً مسلمان عد اولنه رق حقتده احکام اسلامیہ اجرا اولنور .

(۲) اصول اسلامیہ یه قلباً اینانوبده دیلسنر اولوق کی برعندردن دولانی لساناً اقرار ایدمه یه کیمسه هم الله تعالی تزدنده وهم انسانلر عندنده مؤمندر و

(۳) قلبنده بر نوع اینانق اولمقله برابر تعنداً اقرار ایتمه مکده اصرار ایلین کیمسه هم نزد الهی ده ، هم ده انسانلر نظرنده بالانفاق کافر در . چونکه آنک بو حالی قلبنده تصدیق جزمی بولنمدیقنه دلیل و برهادر .

(۴) قلبنده اینانق بولنمقله برابر اقراره قدرتی وار اینکن هر نصل ایسه عمرنده برکره اولسون اقرار ایتمه مش اولان کیمسه علمادن بعضیلرینه کوره نزد الهی ده مؤمن ، بعض علمایه کوره مؤمن دکلدره